

Podnosilac krivične prijave:

Politička organizacija građana „Naša stranka“
Dennis Gratz

Uputiti:

Kantonarno tužilaštvo Kantona Sarajevo
Ulica Radićeva 6, 71 000 Sarajevo, Fax: 033 276 871

Na osnovu člana 229. i člana 230. Zakona o krivičnom postupku Federacije Bosne i Hercegovine, podnosim

KRIVIČNU PRIJAVU

Protiv **Salmira (Salke) Kaplana**, rođenog 26.06.1981. u Stocu, trenutno zaposlenog na poziciji ministra pri Federalnom ministarstvu kulture i sporta, zbog osnovane sumnje da je počinio krivično djelo Zloupotreba položaja ili ovlaštenja iz člana 383. Krivičnog zakona Federacije Bosne i Hercegovine.

OBRAZLOŽENJE

Centar za istraživačko novinarstvo je osnovan 2004. godine, te djeluje kao samostalna i neovisna novinska agencija čiji istraživački rad preuzimaju lokalni i regionalni printanti i elektronski mediji. Rad Centra za istraživačko novinarstvo je dostupan besplatno i njihovi izvještaji se mogu preuzeti uz navođenje izvora.

Ovaj medij je 25.12.2014. objavio istraživačku priču pod naslovom “Naknada za smještaj u vlastitom stanu” (koji je dostupan na web-linku: <http://www.cin.ba/naknada-za-smjestaj-u-vlastitom-stanu/>). Kaplan je u intervju za CIN, koji je objavljen 26.12.2014. potvrdio činjenice utvrđene u tekstu (intervju je dostupan na web-linku: <https://www.youtube.com/watch?v=F5C7kEoDUgc>).

Konkretno, tekst tretira pitanje izdvajanja sredstava iz budžeta Federacije BiH za smještaj i troškove života ministara u Vladi Federacije BiH. Autor teksta obrazlaže da “niko ne provjerava jesu li troškovi opravdani, pa se zbog toga dešavaju i zloupotrebe tih privilegija.”

“Federalni ministar Salmir Kaplan prima 600 KM mjesečno za smještaj u gradu u kojem ima vlastiti stan. U periodu od skoro četiri godine po tom osnovu je dobio 24.900 KM iz budžeta Federacije Bosne i Hercegovine (FBiH). To je više od četvrtine sume koju je platio za privatni stan, kupljen u sarajevskom naselju Vogošća prije pet godina”, stoji dalje u tekstu. Također, CIN podvlači da je Kaplan promijenio adresu prebivališta u 2010. godini, sa adrese gdje se nalazi njegov stan na području Kantona Sarajevo (općina Vogošća) na adresu na području Hercegovačko-neretvanskog kantona (općina Stolac).

Smatram da je navedenim postupanjem, tj. korištenjem prava na naknadu za smještaj u gradu u kojem posjeduje vlastiti stan, Salmir Kaplan zloupotrijebio svoj položaj i oštetio budžet Federacije Bosne i Hercegovine u cilju ostvarivanja vlastite materijalne koristi, čime su ostvareni elementi krivičnog djela zloupotrebe položaja ili ovlaštenja iz člana 383. Krivičnog zakona Federacije Bosne i Hercegovine. Imajući u vidu gore navedene navode kredibilnog izvora, kao i izjavu Salmira Kaplana kojom je potvrdio činjenice koje je naveo ovaj izvor, predlažem Kantonarnom tužilaštvu Kantona Sarajevo da protiv Salmira Kaplana pokrene krivični postupak.

Podnosilac prijave:

Ispred političke organizacije građana „Naša stranka“

Dennis Gratz, predsjednik Naše stranke

U Sarajevu, 30.12.2014.

